

A *rubá***A** *ntaño*

Den nos Aruba Antaño nos tabata conoce un dia di fiesta, esta un dia liber, cu tabata nos Statuutdag. Pero ya esey no ta pa nos aki riba Aruba di e manera cu e tabata prome cu nos a yega na sali for di e constelacion antillano. Awor nos tin como dia di fiesta, e dia di Himno y Bandera, pa ta mas cierto dia 18 di Maart.

Ora cu Aruba a sali for di e constelacion antillano, como Antillas Hulandes. Ya ta cincuent'icinco aña pasá cu su Majestad Reina Juliana a implanta su firma pa duna Antillas Hulandes (tempo cu Aruba tabata den e Constelacion Antillano) e derecho di no solamente como miembro di su reinado, sino tambe cu e autonomia awor di por regla su propio asuntonan, sin tin mester di acudi manera tabata antes.

Ya cu promé mester a corre o bula pa Hulanda pa yudanza. Pero esey no a kita apesar di tur e cambionan incluyendo e Status Aparte di Aruba. Un pa dos ta corre of bula pa Hulanda pa busca yudanza cerca e madre patria. E firma importante di Reina Juliana a tuma lugar dia 15 di December di 1945. Y asina tambe pa prome biaha e opening di Staten integra pa representantenan di tur e seis islanan cu ta forma Antillas Hulandes.

Cu esaki tambe e prome reunion di Staten, y cu e prome Gouverneur Antillano, cual tabata su excelencia Mr. N. Debrot, un orgulloso bonaireano. Den pueblo Mr. N. Debrot, na kende e honor a bay di ser e prome gouverneur di Antillas. El a expresa na tal ocasion di spera cu tur lo pone nan tiki arena pa fortalece e lazonan di e reinado Hulandes.